

Personahe di februari ta un ehempel espectacular pa tur hoben deportista na Aruba

NEW India Assurance ta sigui celebra e siguiente luna di e aña nobo briyante y prometedor aki cu un personahe di lo mas espectacular y hopi popular pa su logronan profesional: Xander Bogaerts, kende a nace na Aruba dia 1 di october 1992. Cu 8 aña el a cuminsa hunga baseball como pitcher y short-stop. Semper el a sigui practica su deporte cu pasion y perseverancia te cu el a bira e unico hungado di baseball Arubiano cu a hunga den World Series, caminda su team, Boston Red Sox, a titula Campeon Mundial!

New India Assurance ta hopi gradici cu Xander a acepta pa figura riba e di 16 edicion di Calendario Special cu e empresa di seguro ta publica tur aña pa pone tur atencion riba e tremendo potencial di Aruba. Mirando cu e promesa mas balioso cu un pais por carga den su seno pa realisa progreso colectivo faborabel ta nos potencial humano, debido atencion n'esaki ta yuda motiva hopi hende pa ta dedica na loke nan ta stima y haci bon p'asina nan mes por bay dilanti den

bida y alabes yuda henter nos comunidad florece den tur posibel aspecto.

Srta. Kaveri Raghunath, kende despues di 50 aña di existencia di e empresa di seguro, t'e di tres generacion y ultimo den su liña di famia pa tuma e rienda di maneho di New India Assurance den su mannan, a bay topa mainta tempran cu Xander, kende tabata prepara su mes pa entrena manera e ta haci diariamente na veld di Winston na Sta. Cruz, mientras cu e ta na Aruba.

Hunto nan a comparti un momento espontaneo pa conmemora entrega di e cuadro di Xander cu ta figura riba e Calendario di Personahe, pinta p'e celebre Charitto Chavez como muestra di aprecio y regalo di New India Assurance y Xander a duna di conoce cu tog e lo sinti falta dje dushi solo y calor di Aruba ya cu e siman aki e lo ta biahando bek pa Merca.

Riba e pregunta si e no tin miedo pa fama bruha su cabes, Xander a indica cu e no tin miedo di esey y cu en realidad e mes ainda ta biba asombra y

hopi gradici p'e exito rotundo di a gana World Series y di mag forma parti di e gran logro aki cu p'e a sosode cu masha rapididad den su carera cu apenas ta cuminsando.

"Es mas", el a bisa, "...aunke mi ta realmente aprecia tur atencion y reconocimiento y mi sa cu mi por ta un bon ehempel pa nos hubentud, mi ta prefera pa nos comunidad comercial y tambe Gobierno duna hopi mas atencion y tambe sosten profesional-financiero n'e hobennan cu ta luchando pa nan bay dilanti den deporte enbes di ta duna esnan cu ya ta logrando asina hopi di nan tempo y enfoke.

Mi no tin problema cu fama, mi ta hopi hoben ainda, pero si masha consciente cu mi mester emplea e debido dedicacion y fe den Dios pa por sigui di ta sigur di mi mes", e hoben deportista a bisa, añadiendo: "You should never underestimate yourself!"

Esaki e ta indica especialmente pa por motiva tambe e hoben deportistanan na Aruba, kende segun Xander tin masha hopi potencial pa bira profesional



den baseball.

Xander a indica cu el a ripara tambe cu un cambio a tuma lugar compara cu tempo cu e tabata mucha ya cu awor hopi mas hoben kier participa y tambe mayornan ta tumando e entusiasmo y gana pa practica e deporte di baseball hopi mas na serio.

Xander Bogaerts expresa su de-

seo pa por bira un motivational speaker den futuro despues cu el a logra siña loke ta rekeri realmente pa por ta exitoso den bida profesional como deportista.

Ela despedi bisando: "Together we can help keep Aruba's name up high and if you choose a job you really love, you'll never have to work a day in your life!"